



Na osnovu člana 64. stav (1) tačka b), člana 70., a u vezi člana 32. stav (1) Zakona o javnim nabavkama („Službeni glasnik BiH“ broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za nabavku od 26.06.2020. godine, Centralna izborna komisija Bosne i Hercegovine je na 32. sjednici održanoj 02.07.2020. godine, d o n i j e l a

O D L U K U **o izboru najpovoljnijeg ponuđača**

- (1) Okvirni sporazum za nabavku usluga **LOT 4 - Izrada fascikli sa suhim žigom i štampanje certifikata za dodjelu mandata** dodjeljuje se ponuđaču „**Grafika Šaran**“ d.o.o. Sarajevo, **Srdana Aleksića br. 28, 71 000 Sarajevo.**
- (2) Ponuda ponuđača iz stava (1) ove odluke zadovoljava sve uslove utvrđene u predmetnom postupku provedenom putem otvorenog postupka.
- (3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu od **3.393,00 KM bez PDV, odnosno 3.969,81KM sa PDV**, na period do jedne godine.
- (4) Okvirni sporazum će se dodijeliti u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.
- (5) Ova odluka stupa na snagu danom donošenja.

O b r a z l o ž e n j e

Postupak javne nabavke proveden je putem otvorenog postupka. Obavještenje o nabavci objavljeno je na portalu Javnih nabavki, broj obavještenja: 794-1-281-3-8/20 od 23.05.2020. godine. Primljene su dvije prihvatljive ponude ponuđača „Grafika Šaran“ d.o.o. Sarajevo, i Grupe ponuđača: „Grafomark“ d.o.o Laktaši predstavnik grupe, „JU Službeni glasnik RS“, Banja Luka i „Dnevne nezavisne novine“ d.o.o Banja Luka.

Komisija za nabavku imenovana Rješenjem broj: 07-2-16-3-108-2/20 od 13.02.2020. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-108-10/20 od 26.06.2020. godine je u prilogu ove odluke) i utvrdila da je ponuda ponuđača „Grafika Šaran“ d.o.o. Sarajevo prihvatljiva, budući da je u skladu sa zahtjevima iz predmetne tenderske dokumentacije i u okviru budžeta planiranog za predmetnu nabavku.

Komisija je uputila preporuku Centralnoj izbornoj komisiji BiH za izbor najpovoljnijeg ponuđača i dodjelu okvirnog sporazuma na iznosu od 3.393,00 KM bez PDV, odnosno 3.969,81KM sa PDV. Proveden je postupak e-aukcije ali nije bilo snižavanja cijena u odnosu na početnu ponudenu cijenu.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-108-27/20
Sarajevo, 02.07.2020. godine

Dostavljeno:

1. Ponuđačima
2. Odsjeku za materijalno finansijske poslove
3. na internet stranicu CIK BiH
4. a/a

